



Հավելված 1

«Վանաձորի Հ.Թումանյանի անվան պետական համալսարան» ՊԲՄԿ-ի

նեկտորի 28.12.2015թ. թիվ 1029 Լ/Ս հրամանի

ԿԱՐԳ

ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆՈՒՄ ՈՒՍԱՆՈՂՆԵՐԻՆ ԵՎ ԱՍՊԻՐԱՆՏՆԵՐԻՆ ԱԿԱԴԵՄԻԱԿԱՆ ԱՐՁԱԿՈՒՐԴ ՏԱԼՈՒ

Ընդունված է ՎՊՀ-ի գիտխորհրդի կողմից
Արձանագրություն թիվ 9 24.12.2015թ.
Փոփոխվել է՝
Արձանագրություն թիվ 2 27.02.2020թ.

Վանաձոր
2015թ.

1. «Վանաձորի Հ. Թումանյանի անվան պետական համալսարան» հիմնադրամի (այսուհետ Համալսարան) «Ուսանողներին և ասպիրանտներին ակադեմիական արձակուրդ տալու» կարգով (այսուհետ՝ Կարգ) սահմանվում են Համալսարանի ուսանողներին (սովորող, բակալավր, մագիստրանտ) և ասպիրանտներին ակադեմիական արձակուրդ տալու կարգը և պայմանները:
2. Սույն Կարգի մշակման իրավական հիմքերն են «Կրթության մասին» ՀՀ օրենքը, «Բարձրագույն և հետբուհական մասնագիտական կրթության մասին» ՀՀ օրենքը, ՀՀ կրթության և գիտության նախարարի 22.12.2006թ. թիվ 997-Ն հրամանով հաստատված կարգը:
3. Ակադեմիական արձակուրդ տրվում է Համալսարանի ուսանողներին և ասպիրանտներին՝ ըստ բժշկասոցիալական փորձաքննության (բժշկափորձագիտական հանձնաժողովի) եզրակացության:
4. Ակադեմիական արձակուրդի տևողությունը մեկ օրացուցային տարի է, բացառությամբ օրենսդրությամբ սահմանված դեպքերի:
5. Ուսումնառության ժամանակահատվածում ուսանողը, ասպիրանտը կարող է ձևակերպել ակադեմիական արձակուրդ ոչ ավելի, քան մեկ անգամ:
6. Ակադեմիական արձակուրդը տրվում է ռեկտորի հրամանով: Հրամանագրման համար հիմք են ծառայում ըստ բժշկասոցիալական փորձաքննության եզրակացության՝ ուսանողի, ասպիրանտի դիմումը, պետական առողջապահական հիմնարկի բժշկափորձագիտական հանձնաժողովի եզրակացությունը: Ջորակոչի ենթակա ուսանողները, ասպիրանտները ներկայացնում են նաև զինվորական կոմիսարիատի ռազմաբժշկական հանձնաժողովի եզրակացություն և զինհաշվառման կցագրման վկայական:
7. Ակադեմիական արձակուրդի դեպքում անրական սեռի ուսանողները, ասպիրանտները չեն կորցնում պարտադիր զինվորական ծառայությունից տարկետման իրավունքը:
8. Կրթաթոշակներով ուսումնառող օտարերկրյա ուսանողին, ասպիրանտին ակադեմիական արձակուրդ տալու կարգը և պայմանները որոշվում են՝ համաձայն այդ երկրի հետ կնքած միջպետական համաձայնագրերի և պայմանագրերի:
9. Ակադեմիական արձակուրդ կարելի է տալ նաև այն ուսանողներին, ասպիրանտներին, ովքեր, համաձայն Հայաստանի Հանրապետության և օտարերկրյա պետությունների հետ կնքած միջպետական պայմանագրերի և համաձայնագրերի կամ ՀՀ կրթության և գիտության նախարարության և այդ պետությունների կրթության կառավարման պետական մարմինների հետ կնքած համաձայնագրերի, մրցույթի կամ դրամաշնորհի շահման արդյունքով հրավիրված են այդ երկրների համապատասխան ուսումնական հաստատություններում ուսումը շարունակելու, որակավորումը բարձրացնելու կամ համատեղ հետազոտություններ կատարելու նպատակով:
10. Պետության կողմից ուսանողական նպաստների ձևով ուսման վարձի լրիվ փոխհատուցմամբ ուսումնառող և կրթաթոշակ ստացող ուսանողները, ասպիրանտները ակադեմիական արձակուրդից վերադառնալուց հետո վերականգնվում են ուսուցման նույն համակարգում:

11. Վճարովի ուսուցմամբ ուսումնառող և ակադեմիական արձակուրդում գտնվող ուսանողի, ասպիրանտի կրթաթոշակ ստանալու կամ լրացուցիչ վճարումներ կատարելու պայմանները որոշվում են Համալսարանի և ուսանողի, ասպիրանտի միջև կնքված պայմանագրի համաձայն:

12. Ակադեմիական արձակուրդից վերադարձող ուսանողի, ասպիրանտի կարգավիճակը (պետության կողմից ուսանողական նպաստների ձևով ուսման վարձի փոխհատուցմամբ կամ բարձրագույն ուսումնական հաստատությունների կողմից ուսման վարձի մասնակի զեղչի կիրառման (վճարովի)) մնում է նույնը:

13. Ակադեմիական արձակուրդի ժամկետի լրանալու դեպքում ուսանողը, ասպիրանտը դիմում է ներկայացնում ուսումնական գործընթացին թույլատրելու խնդրանքով: Ըստ բժշկասոցիալական փորձաքննության եզրակացության ակադեմիական արձակուրդում գտնվող ուսանողին, ասպիրանտին ուսումնական գործընթացին թույլատրելու համար հիմք են ծառայում ուսանողի, ասպիրանտի դիմումը, պետական առողջապահական հիմնարկի բժշկասոցիալական փորձաքննության եզրակացությունը, համաձայն որոնց Համալսարանի ռեկտորը կցագրման հրամանով թույլ է տալիս ուսանողին, ասպիրանտին շարունակելու ուսումը: Կցագրման հրամանում նշվում են մասնագիտությունը, կուրսը, կիսամյակը, վարձավճարը (եթե ուսանողը, ասպիրանտը վճարովի համակարգում է սովորում), առարկայական տարբերությունները և նրանց հանձնման անհատական ժամանակացույցը (մեկ ամիս), նաև այլ պայմաններ:

14. Մեկամսյա ժամկետի ավարտից հետո մեկ շաբաթվա ընթացքում կատարվում է հիմնական հրամանագրում: Ուսանողը, ասպիրանտը հրամանագրվում է տվյալ կուրսում սահմանված ժամանակացույցով առարկայական տարբերությունները հանձնելուց, պայմանագիրը կնքելուց (հարակից մասնագիտությամբ ուսումը շարունակելու դեպքում), տվյալ կիսամյակի վարձավճարը մուծելուց հետո:

15. Կցագրված ուսանողին, ասպիրանտին թույլատրվում է մասնակցել համապատասխան խմբի ակադեմիական ուսումնական պարապմունքներին:

16. Ակադեմիական արձակուրդի ժամկետը լրանալու դեպքում 10-օրյա ժամկետում անհարգելի պատճառով չներկայանալու և դիմում չգրելու պարագայում ուսանողը, ասպիրանտը ենթակա է Համալսարանից հեռացման:

17. Ակադեմիական արձակուրդից վերադարձած և կցագրված, սակայն ուսումնական պարապմունքներին չներկայացած ուսանողը, ասպիրանտը հեռացվում է Համալսարանից:

18. Ակադեմիական արձակուրդ տրամադրելուց առաջ ուսանողին, ասպիրանտին ղեկնաստի կողմից գրավոր տեղեկացվում է հաջորդ ուսումնական տարում տվյալ մասնագիտությամբ համապատասխան կուրս չունենալու մասին: Տվյալ մասնագիտությամբ համապատասխան կուրսի բացակայության դեպքում ուսանողին, ասպիրանտին առաջարկվում է ուսումը շարունակել հարակից մասնագիտությամբ: